



Broj: 11-02-5-5889/24  
Sarajevo, 23. 01. 2025. godine

**SREDNJOROČNI PLAN RADA  
MINISTARSTVA PRAVDE BOSNE I HERCEGOVINE  
ZA PERIOD OD 2025. DO 2027. GODINE**

## SADRŽAJ

---

<b>UVOD.....</b>	<b>3</b>
<b>I – STRATEŠKI OKVIR.....</b>	<b>4</b>
<b>II - VIZIJA I MISIJA MINISTARSTVA PRAVDE BIH .....</b>	<b>6</b>
<b>III - UČESNICI I PARTNERI .....</b>	<b>6</b>
<b>IV – OSNOVNA PROGRAMSKA OPREDJELJENJA .....</b>	<b>6</b>
<b>V - RESURSI I KAPACITETI POTREBNI ZA POSTIZANJE CILJEVA.....</b>	<b>9</b>
5.1 PREDVIĐENI IZVORI FINANSIRANJA	9
5.2. JAČANJE ORGANIZACIONIH KAPACITETA POTREBNIH ZA IZVRŠENJE PLANA	10
<b>VI - OKVIR ZA PRAĆENJE PROVOĐENJA PLANA I PROCJENA REZULTATA .....</b>	<b>12</b>
6.1 DEFINIRANJE KLJUČNIH POKAZATELJA	12
6. 2 METODE PRIKUPLJANJA INFORMACIJA O POKAZATELJIMA	12
6.3. DEFINIRANJE NAJVAŽNIJIH POKAZATELJA	12
6.4 PRAĆENJE PROVOĐENJA SPR MP BIH	13
<b>PRILOZI.....</b>	<b>14</b>

## UVOD

Ministarstvo pravde Bosne i Hercegovine (u daljem tekstu: Ministarstvo pravde BiH) je započelo uvođenje modernog upravljanja u institucijama od 2005. godine primjenom standarda strateškog planiranja u oblastima iz vlastite nadležnosti izradom ili doprinosom izradi sektorskih strategija i strategije razvoja, kao i izradom srednjoročnih planova rada kao pilot institucija.

Od 2014. godine, kada je Vijeće ministara Bosne i Hercegovine (u daljem tekstu: Vijeće ministara BiH) donijelo Odluku o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14) (u daljem tekstu: Odluka), srednjoročno planiranje rada u Ministarstvu pravde BiH se odvija u skladu s Odlukom i usvojenom metodologijom.

Izrada tekućeg Srednjoročnog plana rada Ministarstva pravde BiH za period od 2025 do 2027. godine (u daljem tekstu: Srednjoročni plan) je započela 26. 03. 2024. godine, a na osnovu Instrukcije Direkcije za ekonomsko planiranje (u daljem tekstu: DEP) pripremom i dostavljanjem Elemenata Srednjoročnog plana rada MP BiH za Srednjoročni program rada Vijeća ministara BiH. U odnosu na rokove zadane Odlukom proces zaostaje zbog odloženog postupka usvajanja prethodnog srednjoročnog programa rada Vijeća ministara BiH.

Svrha izrade Srednjoročnog plana je:

- 1) omogućiti utvrđivanje prioriteta pitanja rada sa ciljem osiguranja podataka za budžetsko i normativno planiranje,
- 2) pružiti smjernice na koje oblasti se treba usmjeriti kod izrade politika,
- 3) pružiti dokumentacijsku osnovu donosiocima odluka na osnovu koje mogu razmatrati i odlučivati o prioritetima i optimalnom korištenju kapaciteta,
- 4) osigurati zadovoljenje potreba građana i
- 5) pružiti pomoć u izgradnji partnerstava između institucija vlasti, organizacija civilnog društva (u daljem tekstu: OCD) i javnosti, na način da se uključe u izradu, praćenje provođenja i procjenu javnih politika i zakona koje izrađuje MP BiH.

Kod izrade Srednjoročnog plana, preduzeti su sljedeći koraci:

- 1) sastavljen je plan za planiranje,
- 2) uspostavljen je tim za planiranje,
- 3) prikupljeni su potrebni dokumenti i podaci,
- 4) izvršena je analiza okruženja i utvrđena su strateška pitanja,
- 5) definirani su misija, vizija i vrijednosti MP BiH,
- 6) razmotreni su i potvrđeni srednjoročni i specifični ciljevi MP BiH,
- 7) utvrđeni su programi i razrađeni projekti MP BiH,
- 8) određeni su pokazatelji ostvarenja ciljeva, programa i projekata,
- 9) definiran je način provođenja SPR MP BiH i
- 10) definiran je način praćenja i procjene provođenja SPR MP BiH.

***Izrazi koji su radi preglednosti dati u jednom gramatičkom rodu u ovom planu, bez diskriminacije se odnose i na muškarce i na žene.***

## I – STRATEŠKI OKVIR

Strateški okvir institucija Bosne i Hercegovine do 2030. godine je usvojen na 57. sjednici Vijeća ministara BiH, od 09. 11. 2022. godine. U skladu sa Strateškim okvirom institucija BiH do 2030. godine, **u okviru strateškog cilja Transparentan, efikasan i odgovoran javni sektor**, mandat Ministarstva pravde BiH doprinosi ostvarenju **dva prioriteta: Jačanje vladavine prava, sigurnost i osnovna prava i Unapređenje funkcionalnosti, transparentnosti, efikasnosti i odgovornosti u institucijama Vijeća ministara BiH.**

U ekspozeu predsjedavajuće Vijeća ministara BiH naglasak iz nadležnosti Ministarstva pravde BiH je stavljen na reformske aktivnosti prioritarno u sklopu Evropskih integracija koje su: Politički kriteriji – izborni proces (provođenje odluka Ustavnog suda i presuda Evropskog suda za ljudska prava) i digitalizacija javne uprave, Poglavlje 23 i 24 (oduzimanje i upravljanje imovinom koja je stečena krivičnim djelima i alternativno rješavanje sporova).

Provođenje Sporazuma o stabilizaciji i pridruživanju kroz sistem koordinacije procesa evropskih integracija i rada u zajedničkim tijelima ujedno su najvažniji podsticaj za provođenje reformi u sektoru uprave i pravde u BiH.

Shodno navedenom, a prilikom izrade Srednjoročnog plana u obzir su uzeti prioritati iz strategije Evropske komisije Vjerodostojne perspektive proširenja i pojačana saradnja EU-a sa zapadnim Balkanom iz 2018. godine. Tokom 2019. godine usvojene su Političke smjernice rada Evropske komisije u periodu od 2019. do 2024. godine. Evropska unija je tokom 2023. godine sačinila i donijela novi Plan rasta za Zapadni Balkan radi poticanja ekonomskog rasta i investicija, a čije pretpostavke za ostvarenje su osnovne vrijednosti demokracije i vladavine prava koje prioritarno treba reformirati. Ovaj plan rasta se odnosi na period 2024. – 2027. godine što je prilika za ostvarenje zadanih ciljeva i prioriteta definiranih ovim srednjoročnim planom. Nove Strateške smjernice Evropskog vijeća za Evropsku komisiju, a koji se tiču BiH i nadležnosti demokracije i vladavine prava za prioritet imaju proširenje EU dok će se prioritati Evropske komisije znati nakon reizbora po održanim općim EU izborima koji se održavaju u junu tekuće godine.

Regionalno vijeće za saradnju je koordinator i tehnički sekretarijat za izradu, podršku realizaciji i praćenju provođenja Strategije Jugoistočna Evropa 2030. godine, koja je usvojena na samitu Procesu saradnje u Jugoistočnoj Evropi 17. 06. 2021. godine, kao i od strane BiH. U okviru dimenzije Ljudi, jedan od definiranih strateških ciljeva je poboljšati jednak pristup i kvalitet pravde, kao i javnih usluga u Jugoistočnoj Evropi, što se podudara sa strateškim ciljevima sektora pravde i uprave u BiH.

Jedna od ključnih dimenzija strateškog okvira je određena i reformom javne uprave (RJU). Vijeće ministara BiH je na 155. sjednici, održanoj 25. 09. 2018. godine, usvojilo novi Strateški okvir za reformu javne uprave 2019.-2022. godine. S obzirom na poteškoće u uspostavi upravljačkih struktura praćenja i provođenja zbog čega je došlo do neprovođenja strateškog okvira Vijeće ministara BiH je na 56. sjednici, održanoj 26. 10. 2022. godine produžilo važenje Strateškog okvira za reformu javne uprave i Akcionog plana do 2027. godine („Službeni glasnik BiH“, broj 78/22), a uspostavilo mehanizam za praćenje imenovanjem Nadzornih timova za implementaciju reforme javne uprave u 2024. godini („Službeni glasnik BiH“, broj 32/24). Ministarstvo pravde BiH ključna je institucija politike javne uprave, te daje doprinos u realizaciji aktivnosti iz Strateškog okvira za reformu javne uprave i Akcionog plana ugrađujući ih u svoje srednjoročne i godišnje planske dokumente, a oblasti iz kojih su preuzeti prioritati u radu Ministarstva pravde BiH su: 1. Razvoj politika i koordinacija, 2. Državna služba i upravljanje ljudskim resursima, 3. Odgovornost, 4. Pružanje usluga i 5. Upravljanje javnim finansijama.

Prevenција i borba protiv korupcije je dimenzija strateškog okvira koja se nalazi u više strateških inicijativa, ali ključne inicijative, koje su uzete u obzir, dolaze iz nacrtu Strategije za prevenciju i borbu protiv korupcije BiH za period 2024.-2028. godine Vijeće ministara BiH je 18. 06. 2024. godine usvojilo Strategiju za prevenciju i borbu protiv korupcije BiH i prateći Akcioni plan.<sup>1</sup>

U okviru Gender akcionog plana 2023. – 2027. godine koji je usvojen u 2023. godini („Službeni glasnik BiH“, broj 82/23) obaveze integracije rodničkih politika u politike pravde i uprave su preuzete u Srednjoročni plan. Ministarstvo pravde BiH važan je učesnik i drugih strateških i akcionih dokumenata iz nadležnosti ljudskih prava, kao i iz oblasti sigurnosti koji se odnose na sprečavanje pranja novca, finansiranje terorizma, organiziranog kriminala i drugih.

Strateški ciljevi sektora pravde u BiH detaljno su razrađeni kroz Nacrt Strateškog okvira za reformu sektora pravde (SoRSP) u BiH za period od 2023. do 2027. godine kojeg opći cilj dolazi od Strateškog okvira institucija BiH do 2030. godine, a koja obuhvata pet reformskih oblasti i to: Pravosuđe, Izvršenje krivičnih sankcija, Pravnu pomoć i pristup pravdi, Podrška privrednom razvoju i Koordiniran, dobro rukovođen i odgovoran sektor, a koji su uvršteni u predmetni plan. Iako je samo u nacrtu Akcioni plan za otklanjanje nedostataka u oblasti vladavine prava i za provođenje preporuka i mjera sadržanih u Izvještaju stručnjaka o pitanjima vladavine prava u Bosni i Hercegovini od 5. 12. 2019. godine dio je SoRSP u BiH, a time i ovog plana.

Prednja Državna strategija za rad na predmetima ratnih zločina je usvojena kao poseban dokument, sastavni je dio SoRSP u BiH. Revidirani prijedlog strategije je usvojen 24. 09. 2020. godine. Strategija je važila do 2023. godine, a Vijeće ministara produžilo je njeno važenje do 2025. godine. („Službeni glasnik BiH“, broj 14/24).

Sastavni dio SoRSP u BiH čini i Strategija tranzicijske pravde u BiH, koja je izrađena, a čije razmatranje se odlaže zbog otvorenih političkih pitanja.

Nadležnosti Ministarstva pravde BiH su propisane članovima 13. i 16. Zakona o ministarstvima i drugim organima uprave Bosne i Hercegovine. Navedenim odredbama, Ministarstvo pravde BiH je nadležno za:

- 1) izradu zakona iz oblasti pravosuđa, pravosudnu upravu Bosne i Hercegovine (BiH) i međunarodnu pravosudnu saradnju,
- 2) međunarodnu i međuentitetsku pravnu pomoć i saradnju,
- 3) poslove uprave i poslove upravne inspekcije,
- 4) koordinaciju u sektoru pravde u BiH i druge poslove koji nisu u nadležnosti drugih ministarstava BiH, a srodni su poslovima iz nadležnosti Ministarstva pravde BiH.

Nadležnosti Ministarstva pravde BiH proizlaze i iz drugih propisa BiH, a odnose se na: saradnju sa međunarodnim krivičnim sudovima, obučavanje za pružanje krivične pravne pomoći pred Sudom BiH, pravnu pomoć i razvoj civilnom društvu, polaganje pravosudnog ispita, sudsku policiju BiH, besplatnu pravnu pomoć, slobodu vjere i pravni položaj crkava i vjerskih zajednica u BiH, registraciju udruženja i fondacija, registraciju pravnih osoba koje osnivaju institucije BiH, upotrebu i zaštitu naziva BiH, grbu, zastavi i pečatu BiH, izvršenju krivičnih sankcija, pritvora i drugih mjera Suda BiH, pomilovanje i registraciju zaloga.

Srednjoročni plan je usklađen sa Srednjoročnim programom rada Vijeća ministara BiH 2024.-2026. godine koji je donesen na 45. sjednici od 09. 04. 2024. godine, kao i nacrtom elemenata Srednjoročnog programa rada Vijeća ministara BiH 2025.-2027. godine. Isti predstavljaju izvor mandata, ciljeva i potreba, kao i srednjoročni okvir unutar kojeg se postižu rezultati za ostvarenje strateških ciljeva. Prilikom donošenja važećeg Srednjoročnog programa rada Vijeća ministara BiH izmijenjen je jedan od ciljeva iz nadležnosti Ministarstva pravde BiH u oblasti pravde.

Srednjoročni plan predstavlja okvir rada Ministarstva pravde BiH, odnosno definira prioritete, ciljeve i potrebe, kao i viziju najvažnijih područja rada i djelovanja u narednom trogodišnjem periodu.

---

<sup>1</sup> Odluka o usvajanju ovog dokumenta je objavljena u „Službenom glasniku BiH“, broj 50/24.

## **II - VIZIJA I MISIJA MINISTARSTVA PRAVDE BIH**

### **Izjava o viziji**

Vizija Ministarstva pravde BiH su razvijeni suvremeni pravni i upravni sistemi Bosne i Hercegovine usklađeni sa legislativom i minimalno prosječnim standardima navedenih sistema zemalja članica Europske unije.

### **Izjava o misiji**

Misija Ministarstva pravde BiH je stvaranje uslova za efikasan i koordiniran sistem pravde i javne uprave u BiH odgovoran prema svima, te usklađen sa legislativom, standardima i dobrom praksom Evropske unije.

Provođenje misije uključuje pridržavanje vrijednosti i principa profesionalizma, partnerstva, efikasnosti rada, razvoja svijesti, nezavisnosti u radu, zaštite ljudskih prava, ostvarljivosti i odgovornosti.

## **III - UČESNICI I PARTNERI**

U provođenju svog mandata Ministarstvo pravde BiH najvećim dijelom saraduje s institucijama na nivou BiH, ali i sa institucijama na nivou Federacije BiH i Republike Srpske, te po potrebi i sa institucijama kantona i Brčko distrikta BiH. Bitno je istaći i značaj saradnje sa međunarodnim organizacijama i donatorima, kao i sa profesionalnim udruženjima i organizacijama civilnog društva.

Posebno ističemo ostvarenu saradnju u brojnim radnim grupama na izradi normativno-pravnih propisa, kao i na analizi politika i izradi strateških dokumenata.

## **IV – OSNOVNA PROGRAMSKA OPREDJELJENJA**

Polazni okvir za definiranje ciljeva Ministarstva pravde BiH bila su strateška pitanja utvrđena u postupku izrade plana.

Posebni ciljevi Ministarstva pravde BiH su određeni na osnovu vizije, misije i nadležnosti Ministarstva pravde BiH, kao i izazova sa kojim se Ministarstvo pravde BiH suočava u svom radu. U skladu sa navedenim definirana su dva posebna cilja za dva srednjoročna cilja, jedan za oblast pravde i jedan za oblast uprave. Programi, koji su instrumenti za provođenje ciljeva, sastavljeni su od projekata, odnosno, grupe zajedničkih aktivnosti koje vode prema ostvarenju cilja.

**Strateški cilj** MP BiH je određen Strateškim okvirom za BiH do 2030. godine i glasi:

### **1. Transparentan, efikasan i odgovoran javni sektor.**

Unutar strateškog okvira i navedenog strateškog cilja Ministarstvo pravde BiH je nadležno za provođenje dva prioriteta:

1. Unaprijediti funkcionalnost, transparentnost, efikasnost i odgovornost u institucijama Vijeća ministara BiH,
2. Ojačati vladavinu prava, sigurnosti i osnovnih prava.

Ciljevi Ministarstva pravde BiH čine doprinos u izradi i ostvarenju strateškog okvira BiH, a koje Direkcija za ekonomsko planiranje konsolidira na nivou više institucija koje doprinose istom strateškom cilju.

Shodno zadanim prioritetima srednjoročni ciljevi Ministarstva pravde BiH su:

<b>Srednjoročni cilj 1.1</b>	Unapređenje kreiranja politika, procesa integracija u EU i reforme javne uprave
<b>Srednjoročni cilj 1.2</b>	Unapređenje efikasnosti, odgovornosti, kvalitete i nezavisnosti sektora pravde u BiH u skladu sa nadležnostima, predlaganje propisa o Ustavnom sudu uključujući i rješavanje pitanja statusa međunarodnih sudija

U skladu sa srednjoročnim ciljevima, MP BiH utvrđuje dva posebna cilja:

<b>Posebni cilj 1.1.a</b>	Stvorene pretpostavke za aktivnije učešće civilnog društva, unaprijeđen sistem uprave i upravne inspekcije, kao i koordinacije sektora pravde i uprave u BiH
<b>Posebni cilj 1.2.a</b>	Osigurana stabilna pravosudna uprava, ojačana pravosudna saradnja, osigurano pružanje međunarodne pravne pomoći i saradnje, human i zakonit tretman, te efikasna resocijalizacija zatvorenika i pritvorenika

U skladu sa definiranim srednjoročnim i posebnim ciljevima, definirani su programi i projekti za njihovo provođenje:

<b>Srednjoročni cilj 1.1 - Posebni cilj 1.1.a</b>	
<b>Program</b>	<b>Projekti</b>
1.1.1 Javna uprava i saradnja sa civilnim društvom	1.1.1.1 Programske aktivnosti i razvoj i unapređenje pravnog okvira javne uprave i civilnog društva, efikasan inspekcijski nadzor, drugostepeno odlučivanje u žalbama i administracija registra zaloga
	1.1.1.2 Programske aktivnosti i efikasno i efektivno upravljanje ministarstvom usmjereno na rezultate i koordinacija sa drugim institucijama
	1.1.1.3 Digitalna transformacija i reforma javne uprave u BiH (implementacija i koordinacija provođenja strateškog okvira za reformu javne uprave i akcionog plana) i EU integracije u oblasti političkih kriterija (demokratija)

<b>Srednjoročni cilj 1.2 - Posebni cilj 1.2.a</b>	
<b>Programi</b>	<b>Projekti</b>
1.2.1 Vladavina prava u BiH – sistem pravde	1.2.1.1 Programske aktivnosti i razvoj i unapređenje pravnog okvira sistema pravosuđa, izvršenja krivičnih sankcija, pristupa pravdi i međunarodne i međuentitetske pravne pomoći, međunarodne pravosudne saradnje i unutar BiH
	1.2.1.2 Programske aktivnosti i efikasno i efektivno upravljanje ministarstvom usmjereno na rezultate i koordinacija sa drugim institucijama
	1.2.1.3 Digitalna transformacija i reforma sistema pravde u BiH (implementacija i koordinacija provođenja aktivnosti reforme sektora pravde u BiH) i EU integracije u oblasti političkih kriterija (vladavina prava) i poglavlja 4, 6, 23 i 24
	1.2.1.4 PJI - Podrška procesu rješavanja predmeta ratnih zločina

MP BiH u skladu sa razvojem sistema planiranja, reforme javnih finansija i izgradnjom kapaciteta u svakom ciklusu vrši usklađivanje i optimizaciju programa i projekata.

Žalbeno vijeće pri VM BiH, kao zasebno tijelo za koji Ministarstvo pravde BiH osigurava obavljanje logističko-administrativnih i materijalno-finansijskih poslova, uvršten je pod program Javna uprava i saradnja sa civilnim društvom.

## Rizici

Naziv rizika	Protivmjere	Zadužena jedinica
1. Optimalno strateško upravljanje i koordinacija radom Ministarstva pravde	1) Održavati sastanke stručnog kolegija MP BiH, najmanje jednom mjesečno i sastanaka koordinacije sekretara MP BiH sa rukovodećim državnim službenicima, najmanje jednom u 15 dana, na kojima bi se raspravljalo o navedenim pitanjima.	Kabinet ministra, kabinet zamjenika i ured sekretara
2. Provođenje zakona, politika i razvojnih planova (dugoročnih strategija)	1) Započeti sa praćenjem provođenja zakona i razvojnih politika, što je obaveza propisana izmjenama i dopunama Jedinstvenih pravila za izradu pravnih propisa u institucijama BiH, 2) Započeti pohađanje stručnih obuka i učenje uz rad od strane državnih službenika za praćenje provođenja zakona i drugih propisa i izradu analitičkih, informativnih i drugih materijala o problemima u provođenju zakona i drugih propisa na osnovu podataka prikupljenih tokom praćenja njihovog provođenja i predlaganju mjera za njihovo prevladavanje, 3) Izraditi metodologiju za prikupljanje podataka o provođenju zakona i drugih propisa, kao i razvojnih politika putem nadograđenog OWIS sistema pisarnice, traženjem donatorske pomoći.	Sve organizacione jedinice
3. Ograničeni ljudski i materijalno finansijski resursi i drugi faktori koji utiču na obim realizacije planiranih aktivnosti	1) Sačiniti alternativne planove, 2) Izvršiti prioritetizaciju i reprioritetizaciju po potrebi provođenja planiranih aktivnosti, 3) Izvijestiti ili informirati nadležne o riziku s prijedlogom i zahtjevom za postupanje.	Sve organizacione jedinice



## V - RESURSI I KAPACITETI POTREBNI ZA POSTIZANJE CILJEVA

### 5.1 Predviđeni izvori finansiranja

Najvažniji zadatak u okviru daljnjeg planiranja aktivnosti za sprovođenje Srednjoročnog plana je izrada realističnog plana finansiranja koja će podržati njegovo sprovođenje. U svojim programskim formatima tabele za pregled budžetskih prioriteta pružaju detaljan osnov za izradu obimne finansijske slike Ministarstva pravde BiH.

Ministarstvo pravde BiH jedan je od korisnika podrške za strateški razvoj i povećanje efekata i rezultata rada kroz reformu javne uprave i reformu sektora pravde u sklopu procesa evropskih integracija.

Da bi se ispunila očekivanja Srednjoročnog plana, Ministarstvo pravde BiH će morati ostvariti pristup i drugim izvorima finansiranja. Za sprovođenje programa i pripadajućih projekata, a u cilju sprovođenja postavljenih srednjoročnih i posebnih ciljeva definisanih Srednjoročnim planom, planirano je ukupno 38.589.000,00 KM budžetskih sredstava.

Ministarstvo pravde BiH dijelom realizuje svoje aktivnosti za potrebe Sektora za krivičnu pomoć i edukaciju u krivičnim stvarima pred Sudom BiH iz IPA sredstava. Ujedno je jedan od korisnika EU projekata podrške sektoru uprave, civilnog društva i pravde.

U narednim tabelama su prikazani rashodi Ministarstva pravde BiH u prethodnom srednjoročnom periodu.

Rashodi po vrstama u srednjoročnom periodu

Ekonom. kod	Ukupno planirani rashodi (po ekonomskoj klasifikaciji)	2021. (Izvršenje)	2022. (Izvršenje)	2023. (izvršenje)
611000	Bruto plate i naknade	5.295.518,33	5.762.390,77	6.581.990,62
612000	Naknade troškova zaposlenih	863.337,84	1.033.973,90	1.085.755,27
613000	Izdaci za materijal i usluge	1.329.859,86	1.466.818,96	1.527.316,79
614000	Tekući grantovi	0	0	0
821000	Kapitalna ulaganja	602.544,97	41.936,61	508.296,71

Rashodi po izvorima u srednjoročnom periodu

R.b.	Ukupno planirani rashodi (po ekonomskoj klasifikaciji)	2021. (Izvršenje)	2022. (Izvršenje)	2023. (Izvršenje)
1.	Rashodi finansirani iz budžeta	15.807.400,31	8.064.854,53	9.681.710,44
2.	Rashodi finansirani iz kreditnih sredstava	0	0	0
3.	Rashodi finansirani iz donacija	20.352,08	26.406,47	21.648,95

## 5.2. Jačanje organizacionih kapaciteta potrebnih za izvršenje plana

Zaključno sa 30. 06. 2024. godine, godine MP BiH u evidencijama vodi 179 zaposlenih, što čini 80% od planiranog broja zaposlenih prema Pravilniku o unutrašnjoj organizaciji MP BiH.

U narednom periodu MP BiH će raditi na jačanju i razvoju ljudskih potencijala prateći njihov razvoj kroz ostvarivanje rezultata u obavljanju zadataka, a u dijelu gdje su primijećene slabosti će provoditi politiku jačanja kapaciteta kroz obuke, u organizaciji Agencije za državnu službu BiH, DEI, ReSPA-e, donatorskih projekata i/ili specijalizovanih obuka.

MP BiH ima riješeno pitanje smještaja u vlastitim prostorijama na tri funkcionalno odvojene lokacije u Sarajevu i posjeduje materijalno-tehnička sredstva za nesmetan rad, koja se redovno održavaju, a zastarjela oprema se zamjenjuje novom.

Ljudski potencijali MP BiH na dan 30. 06. 2024. godine.

Naziv organizacione jedinice	Popunjeni broj zaposlenih	Predvideni broj zaposlenih	Postotak popunjenosti
Kabinet ministra	7	9	78
Kabinet zamjenika ministra	5	5	100
Ured sekretara Ministarstva	2	5	40
Jedinica interne revizije	3	3	100
Sektor za kadrovske, opće i finansijsko - materijalne poslove	26	31	84
Sektor za pravosudna tijela	6	10	60
Sektor za izvršenje krivičnih sankcija i rad kaznene ustanove	8	11	73
Sektor za međunarodnu i međuentitetsku pravnu pomoć i saradnju	18	25	72
Sektor za upravu	8	11	73
Upravni inspektorat	5	7	71
Sektor za strateška planiranja, koordinaciju pomoći i evropske integracije	10	13	78
Sektor za pravnu pomoć i razvoj civilnog društva	4	8	50
Sektor za krivičnu pomoć i edukaciju u krivičnim stvarima pred Sudom BiH	9	13	69
Ured za registar zalogi i informatizaciju	1	4	25
Odjeljenje sudske policije	64	65	98,5
Ured za besplatnu pravnu pomoć	3	4	75
<b>Ukupno:</b>	<b>179</b>	<b>224</b>	<b>80</b>
Žalbeno vijeće pri VM BiH <sup>2</sup>	3	3	100%

<sup>2</sup> Žalbeno vijeće pri VM BiH je zasebno tijelo.

## Pregled spolne strukture ljudskih resursa MP BiH – rukovodioci, državni službenici i zaposlenici na dan 30. 06. 2024. godine

R.b.	Naziv organizacione jedinice	Rukovodioci/ Predsjedavajući i članovi ŽV		Šefovi kabineta i savjetnici rukovodi- oca		Rukovodeći državni službenici/ Glavni interni revizori/ Glavni inspektori		Šefovi unutrašnjih organizacio- nih jedinica/ Zapovjednik SP		Stručni savjetnici/ Interni revizori		Viši stručni saradnici		Stručni saradnici		Zaposle- nici/ sudski policajci		UKUPNO		
		M	Ž	M	Ž	M	Ž	M	Ž	M	Ž	M	Ž	M	Ž	M	Ž	M	Ž	
1.	Kabinet ministra	1			4											1	1	2	5	
2.	Kabinet zamjenika ministra	1		1	1											1	1	3	2	
3.	Ured sekretara Ministarstva					1										1		2		
4.	Jedinica interne revizije						1			2								2	1	
5.	Sektor za kadrovske, opće i finansijsko - materijalne poslove						1	2		1	5					7	10	10	16	
6.	Sektor za pravosudne organe								2	1	2						1	1	5	
7.	Sektor za izvršenje krivičnih sankcija i rad kaznene ustanove								1	2	3					1	1	3	5	
8.	Sektor za međunarodnu i međuentitetsku pravnu pomoć i saradnju								1	2	1	2		1	1	3	2	5	5	13
9.	Sektor za upravu								1	1	2	2					2	3	5	
10.	Upravni inspektorat					1				2	1						2	3	3	
11.	Sektor za strateška planiranja, koordinaciju pomoći i evropske integracije								1	1	2	3			1	1		1	4	6
12.	Sektor za pravnu pomoć i razvoj civilnog društva					1				1							1	2	2	
13.	Sektor za krivičnu pomoć i edukaciju u krivičnim stvarima pred Sudom BiH									1	2	4					2	2	7	
14.	Ured registra zaloga i informatizaciju																1		1	
15.	Odjeljenje sudske policije								1							57	5	58	5	
16.	Ured za besplatnu pravnu pomoć								1		1				1			1	2	
<b>UKUPNO:</b>		<b>2</b>		<b>1</b>	<b>5</b>	<b>3</b>	<b>2</b>	<b>7</b>	<b>9</b>	<b>16</b>	<b>23</b>		<b>1</b>	<b>2</b>	<b>5</b>	<b>70</b>	<b>33</b>	<b>101</b>	<b>78</b>	
Pripravnici																				
1.	Žalbeno vijeće pri VM BiH	2	1															2	1	

## VI - OKVIR ZA PRAĆENJE PROVOĐENJA PLANA I PROCJENA REZULTATA

### 6.1 Definiranje ključnih pokazatelja

Pokazatelji uspješnosti su jedna od tehnika koje se koriste za mjerenje uspjeha u postizanju ciljeva postavljenih putem vizije, misije i posebnih ciljeva koji proizilaze iz toga kao dodatak aktivnosti i programa. Pokazatelji su definisani na osnovu prirode zadataka i uloge u iskazivanju postignuća određenog cilja ili ostvarenja određenog zadatka.

### 6.2 Metode prikupljanja informacija o pokazateljima

Metodologija korištena za definiranje pokazatelja uspješnosti i sredstava mjerenja se zasnivaju na sljedećim kriterijima:

- 1) pokazatelji uspješnosti ciljeva definisani su na osnovu očekivanih ishoda za svaki od ciljeva,
- 2) prilikom postavljanja pokazatelja uspješnosti ciljeva uzeta je u obzir vrsta aktivnosti i programa putem kojih se postižu ciljevi i
- 3) pored ostalog vodilo se računa o logičnom slijedu i integraciji između pokazatelja uspješnosti srednjoročnih i posebnih ciljeva; pokazatelja uspješnosti i pokazatelja rezultata koji se odnose na aktivnosti i programe koji ostvaruju ciljeve.

### 6.3. Definiranje najvažnijih pokazatelja

Posebni ciljevi, programi i projekti utvrđeni u SPR MP BiH daju smjernice za aktivnosti sa ciljem rješavanja najvažnijih pitanja MP BiH u trogodišnjem periodu, usaglašeni unutar MP BiH.

U narednim tabelama prikazani su pokazatelji uspjeha za srednjoročne ciljeve i pokazatelji uspjeha/rezultata za programe, zajedno sa njihovim početnim i očekivanim vrijednostima na kraju trogodišnjeg perioda, a detaljan pregled dat je u **Prilogu 1. AP SPR MP BiH**.

<b>POKAZATELJI USPJEHA SREDNJOROČNIH CILJEVA</b>		
<b>Srednjoročni cilj 1:</b> Unapređenje kreiranja politika, procesa integracije u EU i reforme javne uprave (1.1)		
<b>Pokazatelj uspjeha</b>	<b>Početna vrijednost (2024.)</b>	<b>Očekivana vrijednost (2027.)</b>
Indeks vladavine prava za oblasti ograničenja državnih ovlaštenja, odsutnosti korupcije, otvorene vlasti i provođenje propisa	0,46	0,48
<b>Srednjoročni cilj 2:</b> Unapređenje efikasnosti, odgovornosti, kvalitete i nezavisnosti sektora pravde u BiH u skladu sa nadležnostima, predlaganje propisa o Ustavnom sudu uključujući i rješavanje pitanja statusa međunarodnih sudija (1.2)		
<b>Pokazatelj uspjeha</b>	<b>Početna vrijednost (2024.)</b>	<b>Očekivana vrijednost (2027.)</b>
Indeks vladavine prava za oblasti ograničenja državnih ovlaštenja, krivične pravde i građanske pravde	0,46	0,48

<b>POKAZATELJI USPJEHA POSEBNIH CILJEVA I PROGRAMA</b>		
<b>Posebni cilj 1.1a</b> Stvorene pretpostavke za aktivnije učešće civilnog društva, unaprijeđen sistem uprave i upravne inspekcije, kao i koordinacije sektora pravde i uprave u BiH		
<b>Program 1.1.1: Javna uprava i saradnja sa civilnim društvom</b>		
<b>Pokazatelji uspjeha/rezultata posebnog cilja i programa</b>	<b>Početna vrijednost (2024.)</b>	<b>Očekivana vrijednost (2027.)</b>
Stepen napretka BiH praćen kroz EU izvještaje za BiH (u smislu efikasne koordinacije provođenja strateškog okvira RJU, pravde i uprave u BiH)	3	4
Stepen ispunjenja funkcije ŽV pri VM BiH	3	4
<b>Posebni cilj 1.2a</b> Osigurana stabilna pravosudna uprava. ojačana pravosudna saradnju. osigurano pružanje međunarodne pravne pomoći, human i zakonit tretman, te efikasna resocijalizacija zatvorenika		
<b>Program: 1.2.1: Vladavina prava u BiH – sistem pravde</b>		
<b>Pokazatelji uspjeha/rezultata posebnog cilja i programa</b>	<b>Početna vrijednost (2024.)</b>	<b>Očekivana vrijednost (2027.)</b>
Stepen napretka BiH praćen kroz EU izvještaje za BiH (u smislu razvoja i usklađivanja sistema pravde – Poglavlje 23 i 24 u BiH)	2	4

#### 6.4 Praćenje provođenja SPR MP BiH

Prikupljanje informacija o napretku koji je ostvaren u odnosu na pokazatelje definirane u Srednjoročnom planu i razmjena informacija je najvažniji element praćenja i procjene reformskih inicijativa unutar institucije.

Praćenje provođenja se vrši u skladu sa Odlukom o postupku srednjoročnog planiranja, praćenja i izvještavanja u institucijama BiH i Uputstvom o metodologiji u postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 44/15)

Odluka proces praćenja definira kao postupak kojim se kontrolira provođenje programa i planova na osnovu stepena njihovog ostvarenja i koristi se kao osnova za uvođenje korektivnih mjera, odnosno aktivnosti kojima se mijenja raspored ili sadržaj pojedinih aktivnosti bez značajnije promjene samog plana.

Također se navodi da se za definiranje i praćenje realizacije programa i projekata Srednjoročnog plana rada institucije Bosne i Hercegovine koriste informacijski sistemi PIMIS i BPMIS.

Složeno zakonodavno i upravno uređenje, zastoj u reformama javne uprave i pravde utječu na ograničenost rezultata koji su trebali dovesti do toga da Ministarstvo pravde BiH ima opsežan sistem prikupljanja, razmjene i analiziranja informacija o upravljanju efektima. Pokazatelji koji su definirani u Srednjoročnom planu osmišljeni su nakon provedene dvije evaluacije koje su ukazale na potrebu redefinicije pokazatelja radi pojednostavljenja praćenja istih.

Praćenje provođenja Srednjoročnog plana najvećim svojim dijelom se vrši kroz izvještaje o programu rada za prethodne tri godine, relevantnih prioriteta u danom trenutku važećeg strateškog okvira i očekivanog mandata, te se na osnovu tih informacija izrađuje nacrt dokumenta, a koji se upućuje na pregled, komentare, dopune i sugestije uz intenzivnu komunikaciju svim dostupnim kanalima. Po potrebi se organiziraju i pojedinačni sastanci sa predstavnicima organizacionih jedinica.

Praćenje provođenja se koordinira po srednjoročnim, posebnim ciljevima i programima. Doprinosi organizacionih jedinica se analiziraju i uspoređuju, po čemu se integiraju u Izvještaj o provođenju Srednjoročnog plana, a što se vrši redovno, tako i za protekli ciklus.

Zbog neblagovremenog usvajanja Srednjoročnog programa rada Vijeća ministara BiH, institucije nisu bile u obavezi izraditi Izvještaj o provođenju Srednjoročnog plana za 2023. godinu, a što je bila i instrukcija DEP-a za taj izvještajni period.

## **PRILOZI**

Prilog 1: Akcioni plan Srednjoročnog plana rada MP BiH i Pregled zakona, drugih propisa i razvojno-investicionih projekata/programa i međunarodnih ugovora.

Prilog 2: Analiza okruženja za Srednjoročni plan rada **MP BiH**.

